



四編目  
一至三

服部文庫

イ 17

2020

7



117  
2020  
7



南郭先生文集四編卷之二

平安

服元喬子遷著

男 雄仲英輯

七言律詩

西遊賦別諸子

海上年衰且暫回，長安千里路悠哉。  
久為東泊隨流客，非復西征作賦才。  
朝雨纔過沾旅服，春風欲暮惜離杯。  
請看遊子浮雲也，回首天涯去却來。

出門示家人

南郭先生文集

卷之二

一

四

117729(9)

兩地風煙客跡齊，此行還似夢魂迷。  
出門赤水停橋北，取道滄江向驛西。  
位日寧無烏鵲報，祇今唯有子規啼。  
不須苦勸催歸切，更住何家定舊溪。

駿河道中望芙蓉

天外芙蓉掌裏看，三原驛舍此盤桓。  
肌膚坐切真人雪，窻牖窺攀玉女壇。  
蒼海半分山足色，紫宮高並嶺頭寒。  
千秋詞賦爭懸絕，投筆深慙仰止難。

大堰河

旅客馮陵慎涉過，橫天湍瀨急頽波。  
水光倒走中山

樹石勢轟流大堰，河決口年年沈白馬。  
防堤處處卧蒼虵，早知夏后行無事，安得成功濟世多。

桑海

西去長天落日斜，風帆桑海信煙波。  
一千里外行將盡，七十灘頭看復過。  
只覺潮分驅魍魎，那知坐穩駕龜鼉。  
此身已託蓬萊上，曲裏遊仙混棹歌。

三井樓觀望湖

疆開澤國半吞空，為擁皇州地勢雄。  
海氣千重連朔北，湖天一望接關東。  
水深猶有瀧龍窟，波冷曾荒白

鳳宮誰謂江山分分詩登樓盡盡畫圖中

入京有懷

五十年前出上京，今遊猶作客中情。別長何處尋桑梓，祚薄無家問弟兄。認得山川疑夢寐，想來多少自分明。共知流轉人寰裏，愧似劉郎返赤城。

登比叡山

赤城竒跡道丹丘，攀盡霞標到上頭。環列羣峯朝一嶽，並懸三塔俯中州。帝心百堵迴天作，王氣千年近日浮。延曆山河長賜誓，風雲際會至今流。

覽芳野宮跡五首

君王駐輦白雲隈，自狩南山久不回。大寶虛懷傳國璽，黃金徒築待賢臺。非無險地分兵守，轉使中原隔貢來。興復群臣疲廟略，乾坤終爾別難開。

南朝天子紫宸宮，文物蕭條谷響空。誰勸清原迴駕策，難成蜀土出師功。溪流不竭悲王澤，地勢無興入國風。縱是先蹤憑問道，深山唯有葛仙翁。

薄蝕曾銷日月光，耀兵多歲換垂裳。九州畫野供龍戰，萬葉無時附鳳翔。帝運百王移各處，天衷一統誘

何方中朝尚被強兵制不獨南還遠上皇  
金峯捧日駐朝霞御嶽群山入犬牙只道千年三  
闕何如四海一為家蘭臺渾作空王殿玉樹難分  
苑花更問攀髯號泣路六龍安在五雲卓  
楠公慷慨昔登壇冠望旄頭破膽寒河內拜恩懸日  
誓葛城圖敵倚雲看一身已殉勤王略三世猶勞復  
祚難闡外恃乘豺虎亂南方歲月委偏安

箕尾山瀑布

偶緣探勝此躋攀地迫雲門極峽間萬丈瀑泉鳴石

壁千般艸木潤巖山方憐界道懸天上忽恨隨流落  
世寰得叩列星假投宿應騎箕尾向東還

經關原二首

憶昔關山入戰圖風雲各逐指麾殊中原一虜窺神  
器大國三軍藉寇弧已見龍飛新宇宙始知烏合散  
江湖即今四海歸天授不隔東西萬里途  
曾降天兵百萬師關原艸木亂旌旗蚩尤風雨驚三  
鼓黃帝干戈止一麾山帶城雲連北出途開驛樹向  
東移迴頭此地惟功業不待崇軒創永基

岐阻山行

岐阻從來險，劔門陷危不啻近。焦原巖連棧道懸，空  
渡峽急難聲轉。谷昏古木千章籠，日月深山一路隔。  
乾坤最驚盛夏雲端，雪諸嶽中天令可捫。

雷雨踰鳥居嶺

鳥居山畔漠雲前，怒馬駿毛行竦然。雷雨劈巖迷大  
麓，烈風飛木捲高巔。好應驅鬼令開路，假是騎龍欲  
上天。爭罷因思鼙鼓地，雄心撫劔顧當年。

題郡山侯郎伴月樓

白壁爭投有衆賓，武昌秋興夜愈新。只言對月堪為  
伴，且想登樓更待人。遙映海珠懸邸樹，斜含嶽雪藹  
城闌。誰憐不淺叨恩客，曾廁當年席上珍。

呂元丈奉

朝命采藥長石之間，賦此贈行。

金門待命自分明，乘傳過關使者行。道向山陽多  
福地，天迴海上入名城。丹砂鴟井隨流得，石髓龍巖  
到處生。總是仙區兼宇內，何勞秦客泛蓬瀛。  
東叡大王書堂新成，恭賦奉賀。

君玉常在曜華宮，新館玲瓏重文工。賦進鄒枚詞客

坐函開內外閣書赤城別自霞彩朱闥陽明引  
日紅共識五車供廣覽應緣三學助弘通

金井侯聽潮館春集得十灰

朱門江館壓蘭臺萬里雄風接海開午色高懸庭樹  
豁潮聲洶動苑牆回紫煙霄近遊仙曲綠酒春浮坐  
客杯共羨龍淵臨積水隨侯自有得珠才

奉送

東啟大王西上

龍騎鸞輿護送分青霄紫氣映氤氳西昇天近長安

日北極星回闔闔雲詩就棣華隨上苑樂調琴瑟對  
南薰漢庭為重淮王學賜  
詔應裁五色文

冬初遊妙解院和主人尊者作

霜後希求祇樹林丹楓秋盡入蕭森避人本愛風塵  
遠觀物猶餘色相深禪石流泉侵坐冷香臺落日近  
山沈歲寒不改交遊侶共指庭前松栢心

古意

思婦天涯獨處愁試開明月滿向樓橐砧安在城南

夜鴻鴈空來塞北，秋洛浦錦衾。恐昔日沙場金甲滯，  
邊州征人但見黃河水。何似終年涕淚流。

金井侯後園池亭集得庚韻

君侯心事濯塵纓，共愛池臺積水清。寒盡山河辭舊  
色，花開州樹入新晴。非關闕下青雲近，別有園中白  
日明。禽鳥似知方外好，相呼不惜弄春聲。

鸞嘯閣集分得十一尤奉和熊本侯作

蒼龍口上彩雲浮，邸第城東映御溝。元聽高臺鸞嘯  
響，初看阿閣鳳鳴遊。筵開春色催花早，賦起雄風送

雨收。自是文章干氣象，侯家圭璧有誰酬。

鸞嘯閣席上酬秋文學見贈

高歡不問夕陽催，永日春風留客杯。白首唯垂絲髮  
短，朱門謾醉綺筵開。聽歌海表知齊大，接坐蘭臺見  
楚才。誰謂相求幽谷鳥，羞從鸞嘯一徘徊。

和松崎君修見贈

盛代家家絃誦聲，中原才子正縱橫。千秋大業還君  
輩，百歲徒傷愧老生。價定連城誰不識，投來尺璧自  
分明。龍門一世非吾事，只得曾知文舉名。



聞白河侯進品階賦此奉賀

白河封守列維城朝會時聞政績成紀世漢年光  
表進班周室寵宗盟紫宮舊映青雲色玉佩愈添朱  
黻明身貴更稱耽學術好將文德答升平

奉送宇土侯就國

凌霄旌旆擁君侯東道雲煙西海流金絡蒼龍齊五  
馬錦帆青翰穩方舟披襟行向清風色到府先登明  
月樓只爲歲年情不淺興來時憶武昌秋

雨中泛江

雲煙縹緲大江隈水載樓筵自在迴避濕不妨船上  
妓生涼頻勸雨中杯龍山樹合輕陰靜牛渚流浮薄  
霧來見有臨淵蓑笠客須臾供饌得魚回

和霞關公病中九日之作

宿衛當年罷總戎知君回首建章宮重陽伏枕蕭條  
色佳節停杯感慨中因憶歡隨交友少還憐病與故  
人同難追昔日龍山會共歎秋風鶴髮翁

遙題濠濮園寄上熊本侯

傳云園有書室

秋省羊豐歸坐深閣亭城內敞園林遠遊不問先王

觀昭曠堪論尚友心聞誦詩書洪樂事知廻濠濮會  
幽襟由來南面山川主更自披圖對古今

永代橋望西山晴雪

長橋高渡大江東回望西山入鬱蔥天外三峯連玉  
樹城頭五色妬瑤宮更看近接蓬萊上直指遙晴間  
闔中今日神州朝海地仰瞻知使此都雄

奉訪猗蘭老侯隱居

紫極青雲指掌間誰知辭滿謝崇班三朝日月懸車  
穩一壑煙霞卜地閑身退功名餘北闕心遙江海繞

南山幽情不老多行樂長此春風入醉顏

題喜壽公臨海樓

猗蘭侯隱處  
名喜壽園

層樓初日破溟烟灑氣朝開若木懸簾捲龍蹻疑踏  
浪檻攀鵬際欲垂天高樓已謝山中相遙舉常遊海  
上仙不是華陽隱居小十洲三島彩雲前

至日集金井侯新樓同賦

邸第新成四望開迎筵雲物繞樓臺南天日動初陽  
至東海潮添舊色來百尺共依牀上座分陰緩把  
中杯聊隨賀雀攀棲鳳謾哢喧聲未擬回

大川尊者奉 勅例住京師大德寺賦此奉

送

江山春近雪霜微錫杖彌天自在飛大刹一燈傳日月  
高壇百尺捧光輝鳳城雲動青霄詔龍寶珠盈  
紫野衣猶是暫時千里別萬松西偃待東歸

首春集日出侯邸宿雪未消侯有詩見贈即

事奉和

朱門白雪映青雲春早輕寒淑氣分駐色瑤臺開座  
席先花玉樹入榮芬鳥聲日永歌相和客興杯深酒

半醺已謝郢中高唱曲難酬下里未成文

早秋奉送金井侯歸藩

褰帷千里一州通天外長雲海岱東方嶽連城迎爽  
氣關門征旆入秋風歸藩侯服看田闢聽政農時報  
歲豐最是封疆饒勝地何妨多暇賦詩工

奉和金井侯秋日在藩見寄懷都下諸子之

作

此日秋風萬里開鴈門太守寄書來關城早已催霜  
色搖落還堪試賦才金井清樽誰侍坐羽山明月幾

登臺武昌數子狂無恙暫望高樓待再回

寄題日出侯望海樓侯設仙女閣想及戲之

日出城頭積水開君侯淖約上樓臺遙知姑射真人坐恰好蓬萊織女來把酒且深蒼海色臨波誰勸紫霞杯九州環內通潮近安得乘鯨一覽回

至後二日游巖邑侯相忘園

侯家池館大江隈泉石通潮萬頃開別闢乾坤涵日月更浮湖海入樓臺初陽已復寒園樹輕暖堪雀春酒杯非獨相看忘主客禽魚亦自似窺來

七月七日奉送烏羽侯新就國

河水秋平烏鵲渚朝陽晴送鳳凰城旌衝南斗雙星色騎擁東方五馬行父老幾家沾舊澤謳歌闔境入新聲遙知遵海珠歸處隨意觀游弄月明

九日宴登聽潮閣得晴字

茱萸黃菊避塵情况復攀來高閣晴不羨龍山千氣象何如鯨海聽潮聲長風入座堪吹帽一曲臨流欲濯纓此日都無愁雨色應緣邸第占清明

秋日鸞嘯閣集限韵

南華集四編 卷之三  
十一  
白日朱門對鳳城，青雲彩筆眼中生。  
珠噴龍口臨流處，風起鸞臺坐嘯聲。  
黃菊節存杯酒興，丹楓秋駐露華明。  
誰憐老侍衣裳會，一石淳于醉後情。

歲暮遣懷示家人

抱病杯樽不可親，空憐汝輩喜迎新。  
已窮半死催時老，非復分陰惜日人。  
鬢髮徒傷爭白雪，風光無意待青春。  
幸遭天地明年在，重為鶯花愛此身。

樂山公子席上奉和見贈之作

雨中開苑更芳菲，玉樹東山對翠微。  
太液流浮清酒

動五陵雲繞彩毫，飛賤人不敢驕。  
韋帶公館唯憐歡布衣，誰似漢家劉子政。  
世傳文物自光輝。

重遊玉笥山二首

濟勝愜情輕此身，分雲始覺步虛新。  
五丁鑿道誰開蜀，幾世留家似避秦。  
傳響歌呼幽谷鳥，遊方共遇武陵人。  
山中雞犬看相熟，重到無勞迷問津。  
再試深山一日情，溫泉東澤自分明。  
當年聒聽鳴流響，半夜仍疑驟雨聲。  
玉笥峯懸仙路近，白雲天傍嶽根生。  
垢氛洗盡唯高枕，夢裡還應鼻上清。

松鶴壽歌奉賀金井侯四十初度

松標佳色對蓬瀛飛到仙禽海上聲龍卧陰濃鱗未  
老鶴棲毛化羽愈生長條雪帶青雲住偃蓋霜凝玉  
署清願奉高堂今日酒凌霄聊比九臯鳴

為金井侯奉賀太夫人六十壽

孝養侯家奉席初北堂孫子滿階除已知曾頌朋三  
壽更比周詩數九如行酒仙姬聯錦繡陳珍喜客贈  
瓊琚幾回坐見蟠桃熟戴勝怡顏長燕昏

每旦得井花水解渴爽然常足因有感賦以

自喜

衰年病渴到三更含水華池液亦生常喜隣家叩門  
得不憂僮豎挈瓶爭漢宮承露金莖賜魏殿凝冰玉  
井清寄道營求丹鼎子人間大藥有天成

呈金井侯奉賀特賜新第

先公燮理滿乾坤道長陽春復舊恩氣色回天承北  
極雲霄賜第甲東門驩聲燕雀移高樹淑景樓臺開  
後園今日難呈丘壑語廟堂重見典刑存

苦秋霖已至重陽前日二首

繞屋園林木葉摧秋霖况復日相催臥聽蕭瑟唯高  
枕擬遣憂愁難上臺猶有杯樽陶令酒誰悲搖落楚  
臣才明朝縱遇重陽節何處迎晴一醉回

積雨重陰鬱未披坐教佳節背心期抱憂臥病常多  
日臨水登山復幾時三徑泥侵蒿州亂東籬露恨菊  
花遲已知送酒無人到纔向貧家客自疑

秋霖遇九日未晴奉寄金井侯

雲隔城南尺五天朱門白屋自遼然已憂九日風  
雨更盡三秋惜歲年不似東籬寒濁酒定應北海命

芳筵登臺想罷饒高興閉戶低頭獨醉眠

十日新晴集悟賞館

高追佳宴此徘徊猶似重陽昨節回舊雨改看珠樹  
色新晴無恙菊花杯喜逢白日披雲霧悟賞青樽醉  
邸臺暑短歡長須共惜風光况遇晚秋催

冬日秋玉山岡朱陵二文學見訪州堂賦謝  
雙投連壁接光輝却掃初開郊外扉只愧野人供給  
窶都緣佳客訪存稀醉來空谷年將盡興到前溪雪  
未飛赤水縱無珠可得待迎寒月送君歸

南齊集卷之十一  
獨酌有懷亡友二首

人亡奚但邈山河不復黃公壚下過轉眼浮雲歸索  
寞顧身落日更蹉跎論交地與親朋盡懷舊情隨歲  
月多絲竹無由欣樂趣獨弦當酒一哀歌  
當年一夢結交場老去尋思總渺茫南陌北堂知幾  
客楚雲湘水復何鄉銜杯曾謂忘憂好值酒翻傷惹  
恨長萬事悵然難作醉時時潦倒背風光

春雪鸞嘯閣集得春字

鶯啼郎樹報芳辰鸞嘯臺筵賞更新已爲高歌留白

雪且緣相和入陽春論文侯伯還經國比玉珪璋都  
屬人取醉叨陪雲上會餘歡不厭勸杯頻

奉酬熊本侯見寄贈

阿蘓神嶽彩雲間峻極天邊誰得攀鎮跨九州分五  
服封迴大海對三山文緣盛事忝前席情憫衰年厚  
假顏白雪兼歌招隱曲和將下里奉清閒

九日米大夫席上

守邸重陽館舍樓朱門照處日光浮鳳城闕並青雲  
出龍口溝橫紫陌流醉到情忘杯酒坐詩成興盡菊



花秋大夫自有登高賦何必山川遙更求

西莊題門

西莊負郭倚郊坳十畝閑閑孤艸亭聊闢丘園稱白  
賁非緣寂寞守玄經卜隣自任農家素學圃時看麥  
隴青不許問奇延俗客但來載酒藉荒庭

白賁墅四首

古木踈籬繞艸堂天開地僻愛荒荒東隣幸假青松  
色西嶽何來白雪光春及農人治廢圃主新巢燕定  
空梁村醪傾盡忘吾老鼓缶高歌送夕陽

乾坤別有謫天仙容膝壺中坐敞然分畝宜多供酒  
秫倚人仍賃買山錢為緣名死隣金谷猶自春流引  
玉川不作鄉心非土嘆賦成斯處擬歸田

郊雲深處靜簾前細雨霏霏春可憐已老松杉看改  
色新栽竹樹更生煙家貧不羨山陰墅酒薄難招林  
下賢頭白事閑幽意足悔同塵俗誤芳年

澁谷南村羽澤西園林處處子規啼殘花春盡憐新  
樹芳草今來餘舊蹊墾徧石田猶粒食室成山隴以  
巢棲自慚野鳥還驚怪久息機心此杖藜

熊本侯見寄題白賁酬此奉謝

欲賁丘園不可求，荒餘聊卜小山頭。  
避人只沒蓬蒿跡，學隱深慚桂樹幽。  
豈料楚臺歌一曲，並懸富嶽雪千秋。  
自驚返照雲霄色，從此將添佳色浮。

西莊秋意六首

無邊搖落擅秋陰，丘壑蕭條試隱心。  
客少鳥啼山不淺，農貧市遠里愈深。  
不材只愛天年樹，衆竅猶聞地籟音。  
更有相知入吾室，窺人明月透前林。  
荒園白賁獨回頭，跨時唯憐一壑秋。  
鑿井得泉行自

足立雖有地，復何求。風琴入坐，松還奏。霜錦彌山，楓自稠。  
年少豪華休謾笑，孰如富貴似雲浮。

繞堂燕子故飛飛，搖落悲秋坐翠微。  
為汝辭巢春欲去，似人臨水送將歸。  
卜居既製芙蓉帳，卒歲仍裁薜荔衣。  
無恨主翁難永保，回春幸待入山扉。

誰謂田間稼穡難，鶉居穀食似相安。  
身生三樂從吾得，已分百年唯自寬。  
郊野秋過收獲靜，山林色入變衰寒。  
相逢解我行歌意，拾穗村翁回首看。

曲笠長筇一老身，山中秋盡趣還新。  
寒林護葉霜障

歸

日花木歸根別待春時將嘯詠供棲隱日涉巖阿養  
谷神設令樵者聞行怪勿道蘓門自有入  
獨往獨來知者稀舍南舍北比隣微欲餐叢菊籬邊  
瘦足飽蹲鷗山下肥水冷秋溪收薄霧林疎夕日送  
清輝約僮勿復為壘耻所有携壺盡醉還

南郭先生文集四編卷之二

南郭先生文集四編卷之三

平安

服元喬子遷著

男 雄仲英輯

五言絕

方公松風齋

蕭寺訪方公深林目擊中賞心不相隔閑坐聽松風

題画山水

絕津無客跡隔岸有人家此中堪沒世山水足煙霞

江亭立秋

落日江亭酒猶憐避暑杯秋風不待報先入晚潮來

金井侯後園七題

鳳館千竿竹清風相和生客來對長嘯不待雌雄鳴

右鳳棲館

寒水靜逾碧深淵不可窺蟠龍千尺窟應有興雲時

右龍淵

高柳臨塘水拂雲將拂波金絲輕不亂一片夕陽多

右柳塘

鬱島彩雲中神山自不遠何片假鼉頭坐來盤石穩

右小蓬萊

西風秋水起楓葉又蕭蕭群鴈相追下應緣認沅湘

右楓浦

坐客彈鳴琴臨流看潛躍同心已不稀相顧知魚樂

右觀魚亭

開館小池曲通潮大海濱豔然明月出先照舉杯人

右海月灣

曉發山驛

山行曉不迷熟路驛亭西但恨山間月行行沒馬蹄

舊宮人

久移宮裡柳零盡，陌頭霜繡袂。向人解猶餘舊賜香。

林臥

客散臥林中，杯殘人語空。醉眠夢未熟，半自聽松風。

梅雨

白屋黃梅雨蕭蕭，撫枕寒。南山朝暮色，不作出門看。

山下泉得中字

枕石伴清響，泉聲日夜通。人間從此去，何似住山中。

柳花詞

風吹晴日雪花占，晚堤春飛。別離客飄零，送幾人。

秋風引送人得風字

相看搖落候，去住共秋風。到處隨明月，愁心滿客中。

題淵明歸來圖

吾廬共無恙，歡接見妻兒。未賦歸來意，先憐松菊知。

聞砧

何處砧聲急，聞時雙淚流。無為孤客夜，代作征夫愁。

江亭春夜送別得離字

江水春方滿，江亭送別離。花開月復出，遊子無歸時。

同前得寒字

春江花月夜把酒臨江干為有別離意相看心自寒

雨中殘花得灰韻二首

殘花春可惜猶自冒寒開不怨階前雨還須勸酒杯  
打花終日雨似妬殘枝開神女過何處蕭蕭遠楚臺

夏夜宿僧院二首

偶坐逢僧夏月明分夜涼林中珠滿處一點得清光  
洗鉢僧房晚浴龍池水中臥聞半夜雨濯熱過林東

觀瀾園八勝佐倉彦東莊

波瀾觀萬里積水濶亭居日月容相照應緣江海虛

右觀瀾亭

古木落空翠近攀山上看午陰不可拾只覺濕衣寒

右空翠阜

潭府愛幽賞江亭臨渚成應知人事靜鷗鳥近無驚

右海鷗渚

朱華浮綠水初發映池塘方受朝陽色似添蓮府光

右朱華沼

斷岸過圯上溪流穿石清徘徊停屐聽下有近珠聲

右曲圯

菊花園頃圃培法受神仙不羨生金地還同種玉田

右菊圃

溪石夾溝渠潮來開閘初溟流澆灑入應是鯨噴餘

右引潮溪

清風侵座落繁翠古松深自有棟梁氣亦存丘壑心

右倚松館

看調馬

龍馬愛馴良金溝試驟步並馬誰且先迴合似相顧

賦得獨釣寒江雪

回望雪漫漫長江一釣竿前村風且白唯看酒旗寒  
七言絕

長安感懷三首

長安大道昔時春故苑歸來白髮新今日看他行樂  
地相逢總是少年人  
謾記南山卜隱時重來佳處不勝思一丘一壑長如  
故留得蕭條更待誰

回頭無限霸陵山佳色千秋滿漢關身是己為吳下

客五噫歌罷向東還

泊瀨觀音閣

泊瀨春雲五色間，觀音高閣占名山。  
鈴鈴金策誰家客，三十三天次第攀。

般若井詩 事詳麻谷道人記

瑞祥靈跡瑞祥通，石甃銀牀傍梵宮。  
心地海深般若水，乾泉復出為圓公。

奉酬泉侯見寄作二首 侯時有協衛浪華之行

夜珠元自屬隨侯，臨別翻投亦水流。  
征旆行懸城上

色更開，明月浪華秋

衰年都廢茂陵書，宿昔凌雲謝子虛。  
為是下帷堪伏枕，唯餘多病似相如。

為于子迪壽太翁七十

總海東連若木開，朝霞日出見蓬萊。  
懸知高會蒼顏侶，坐酌仙人沆瀣杯。

智乘院池上送巖同甫野子賤還湖中得青字

湖天萬里杳冥冥，二子乘舟還洞庭。  
此會池邊相憶



否眼中猶入數峰青

守山侯占春園花飲園有繫駒樹

占春園裏擁樓臺清酒芳筵留客杯  
今夕逍遙繫駒樹何人不醉背花回

戲題插花掛版

昔日君王恩未成司花偏侍太憨生  
無端一出隋宮後憐殺春風別有情

伏疾值中秋

誰家歡宴月明前絲管紛紛徹  
曉天垂死帳中歌枕

聽秋風只在促衰年

起復謝問疾諸君

老年心事著寒灰抱病偏臨永夜臺  
但為故人招得切遊魂不遠復歸來

金井侯見貽蓑笠率賦奉謝

樓臺百尺大江頭湖海還通一釣舟  
著得老翁蓑笠好欲乘春雨聽潮流

九日送松前新帥奉使赴浪華

黃花此日照金盤奉使非關別酒寒  
行且逢迎諸將

會浪華城上倚高看

早春歸德命駕余時遊江東不在壁上見留

二詩和以寄謝

寒盡還蘇病後身江東花鳥逐新春誰知張翰杯無

恙猶自生前混酒人

慙愧君來違罄歡蕭條四壁州堂寒留題但是陽春

調轉恨舍杯相和難

春盡觀魚亭分韻十一尤

花盡春林落日浮子規啼送暮天愁相看但有江湖

趣忘却觀魚亭下游

神門越君叔嶽壽太孺人賦此并菊花奉贈

九月僊桃熟幾回高筵日暖北堂開願添黃菊南陽

色更進金門玉露杯

離宮怨

漏靜長門夜未分起來花落已紛紛玉階但是懸明

月復自朧朧入曉雲

約遊妙解院諸君先至州堂雨不果同賦簡

大川尊者

此日朝來歎舊今，人間風雨隔東林。只逢古道開杯  
酒，猶似蓮華社裏心。

冬初同諸君遊妙解精舍，先是數約秋觀，值  
雨至今，主人尊者有詩和以申志。

廬山同社問殘秋，雨後空林落木愁。唯有心期長不  
背，白雲依舊入杯浮。

送東嶽生從駕其君之西京

吳門白馬雪紛紛，千騎東方匹練分。到日長安花似  
錦，據鞍堪自鬪春雲。

鸞嘯閣席上酬李菴南君

龍溝春水吐珠迴，彩筆看君侍邸臺。想得阿蘇山上  
色，曾飛咳唾問天來。

送佐子坤從宇土侯歸國

好去還鄉，宇土城追隨。且奉使君行，江山自入風雲。  
興不似孤征，動客情。

題画山水

誰家乘興一扁舟，行望樓臺山寺秋。積翠閑雲無限  
影，相迎先入大江流。

春日奉問金井侯臥病戲作

使君稱病畏春寒，綉被香深暖合歡。  
更進姬人侍服散，何妨帳裏擁花看。

楊柳橋送人二首

楊柳橋邊墨水濱，酒家留客不勝春。  
誰知暫對胡姬醉，中有愁心送別人。

千家兩岸大江流，楊柳毵毵欲繫舟。  
此地春風無限恨，橋邊分手為君愁。

夏日飲田家

蕭條麥隴半成黃，農畝無人猶未忙。  
野老休疑相對飲，吾徒一醉即高陽。

東山寶光堂觀楓

東山返照雨花臺，霜後登臨樹樹開。  
春日懸珠秋日錦，寶光長在彩雲隈。

伏日聞秋文學壽筵賦寄

壽席相逢長命杯，無非酒賦勸君開。  
盡歡此日梁園客，不羨金門割肉回。

秋日集聽潮館奉寄懷巖邑侯得字

西亭集四錄 卷之三  
館中依舊海潮秋相憶遙知獨上樓只慰石山巖邑  
色白雲長自滿城頭

三日雨

佳節年添白髮新老來遙隔永和春蕭條何事花時  
雨猶爲風光愁殺人

聞友人遣妓戲贈

舞筵新愛一枝花何待裁來結子遐無那情郎春易  
盡移陰更復向誰家

尾藩鈴公致仕後寄此遙想樂事

高談下飲坐相酬都愛蕭然一室秋爲政當年清靜  
意于今更作采真遊

遊仙曲

雲臺玉女伴仙翁天上合歡都不同爲謝人間徒起  
羨氤氳重隔紫烟中

秋夜宿石冢氏館聽雨得四支

村樹秋聲雨遶枝終宵置酒欲酣時相看不是離家  
遠猶似蕭蕭添客思

天遊館雪集得一東

珠樹銀臺瑤闕東爭妍，白雪共玲瓏。誰知詞賦人如玉，此日梁園壓漢宮。

早春賦梅花落送人

離筵遙望夕陽斜，西到長安是我家。欲折一枝附君贈，江南春早落梅花。

春雪集悟賞館

館前飛雪避春寒，且映金樽白玉盤。不恨風光遲未至，紛紛已作落花看。

送石仲綠赴尾陽且游西京

雄都壯麗舊經過，相和千人客裏歌。更到長安尋勝事，名山大澤待人多。

送曇龍師遊玉筍山

飛錫凌空欲上天，碧雲吟作白雲篇。試藏石室長無盡，留在名山玉筍邊。

題曇龍師詩卷

誰知大地放光新，七寶金銀都是真。借問君家安養侶，能遊此境更何人。

送人遊赤石

滄海征帆赤石城古時洲島霧中生試看今變桑田  
地萬戶秋風饒月明

奉和喜壽侯中秋對月見懷之作

相憶當年百感生桂花秋至不勝情但知滄海樓頭  
月不減青雲城上明

雨晴登聽潮閣限韵收遊秋

雲飛海上雨初收共醉聽潮閣上遊休怪晚來歸不  
去停杯更待月明秋

金川渡海到三浦

三浦懸帆破白波江山改觀入看多相迎海若為驕  
色乘去長風一笑過

浦賀三首

相中大港繞江山萬戶人家兩岸間一夜西風吹不  
盡千帆飛入海門關

海上關門積水寒江湖猶恐避人難不圖自有隱君  
子枉作青牛紫氣看

三浦三崎十洲疊海南海西萬國船應為鼉頭流不  
往相逢多是播遷仙

望海二首

相山遙望大荒流，一片長雲海上秋。  
更向天南鴻鴈渡，始知環外有滄洲。

大海煙波入頌濛，不知何處是寰中。  
天邊唯有扶桑樹，佳氣偏凝日出東。

九里濱

九里長濤萬里迴，海門中斷大潮來。  
琅邪山上先王觀，猶自吾徒遊不回。

望蓋山

蓋村城郭倚陂陀，墟落蕭條行且過。  
秋色更攀林外望，千山交處夕陽多。

登深谷山

無限秋風木葉飛，林巒傳響遇人稀。  
蓋山城外臨深谷，獨自蘇門長嘯歸。

城島照海燈

城島孤燈夜似星，海南祠上照波青。  
千帆商舶風濤裏，直望天光拂杳冥。

夜猿啼



百集四續 卷之三 十四  
旅館更深落月低空山無夢夜猿啼斷腸不待三聲  
後回首徒教客思迷

賦得春寒花較遲韻鶯字

園林迎氣入春情冰雪纔消試步行何處風光幽谷  
樹欲將花信問遷鶯

將遊函山留別諸君

東方函嶽跨蒼龍欲厭天門日觀峯若問歸來持贈  
物連雲白雪有芙蓉

得山中人書

久隔華陽洞裏蹊依山望盡白雲西白雲唯解去來  
色書贈人間傳不迷

山館避暑

長岡侯後  
園席上作

繞館千章六月寒風搖空翠落欄杆醉銜杯酒醒高  
枕只作深山隔世看

逍遙園集得侵韻奉和主侯席上見贈之作  
杯酒相忘醉裡心逍遙更入後園深雲霄縱得攀鵬  
翼莫是尋常笑小禽

為慧頓上人題芙蓉圖

南亭集四編 卷之三 十五  
壁上芙蓉萬仞山，雪華如玉對開顏。  
奪將芥子須彌色，容在諸天方丈間。

雪後聽潮閣逢立春

高歌白雪照筵通，更和陽春滿郢中。  
此日聽潮開閣望，年光先入大江東。

三月四日臥遊亭集得一先

高亭真境對山川，醉臥深看洞裏天。  
休問昨遊何地好，桃花此處伴神仙。

送章菴杉生生善鍼術予適有風痺之病生

為之達一期稍覺病已因賦為謝

年衰轉歎別離難，老樹蕭蕭臨路寒。  
唯倚能回春色手，著花明歲待君看。

流螢篇

深宮玉樹月光微，數點流螢照薄幃。  
縱是秋風吹不定，那知不傍九霄飛。

初冬哀露園集賞菊分陽韻

菊籬錦繡引杯長，哀露凝光未帶霜。  
總為愛花兼愛客，深園十月護秋香。

賦得古別離單韻

紛紛楓葉落，相潭腸斷。秋川湛似藍，一去北流看。不  
返妾身長，自在江南。

病後同諸子遊少林院席上奉和大川尊者

見贈

登廬踏履侵蓮漏，求酒垂巾醉玉杯。仍爲遠公憐病  
客，舍兒門客共扶來。

舟中雪

月夜江天墨水寒，人家兩岸雪漫漫。扁舟乘去興難

盡，誰作山陰門外看。

分得平蕃曲寒韻

黃河一帶塞雲端，直上燕然山北看。從此漢家三十  
萬還鄉，休歎遠征難。

雪漁師爲萬年山上座寄此爲賀

萬年山上倚青松，盤結高分坐。似龍知是抱珠眠，更  
穩彩雲飛送下堂鍾。

春日送峯山上人西游

雲遊仗錫幾山河，最是長安春色多。縱是幻華無所

百身集四編 卷之三  
著勝情寧得等閑過

三日尋子昌莊

鳥啼花發野亭西三日重來路不迷處處春風桃李  
下何人已是踏成蹊

和答宗仙細川君

病夫十載避風塵蹊路還慚桃李春此處休傳流俗  
說城頭年少易窺人

和答武田君子誠

久拌謝客已衰年不忤玄經唯醉眠縱是被嘲無解

事何須萬一世人憐

金地院謁方丈蒼溟尊者話舊席上因和見  
贈之作奉謝

三十年前舊梵臺指揮如意復歸來自憐未死交遊  
侶重逐天花拾得回

送島子行從駕其君之浪華

別酒忽忽行色催離情空送浪華臺勸君江海登樓  
處豪氣堪傾鸚鵡杯

送曇龍師歸省海西

南華集四編 卷之三  
真果東方珠絡身歸開明月海西濱  
崇中別有千金價好是深藏奉老親

六月晦日遊少林院

人間何事坐忽忽一半年光似夢中  
幸有少林常住色攀來早已入秋風

七夕前一日天臺侯館納涼

今宵先照二星光烏鵲橋頭愛早涼  
自是天臺違咫尺偏疑銀漢灑衣裳

七夕悟賞館值雨得秋字

銜杯良會共登樓不羨雙星七月秋  
愛此分將天上水散爲雨色逐涼流

奉寄懷神戶嗣侯

賦月高樓彼一時繁陰重想桂花枝  
誰憐十載西園客回首秋風髮似絲

遇井君君祥見示客中稿兼有惠詩因賦短章爲贈

一遇交驩爲盡杯且聞上國宦遊回  
休言祗役無寧處堪羨三都作賦才

米六夫將西歸留詩三首元別柳和一首因

叙離情

此去重來復幾時尋常萬里易前期獨悲落日將衰  
老別後西看天一涯

春日奉送扶搖公子之常陽

白馬金鞍公子行東門艸色似相迎青青楊柳何須  
折欲併春光送路程

鸞嘯閣雨集席上奉酬松山世子見贈

鸞嘯高筵鳳作群何妨閣上雨紛紛羽山更有來儀

客照出朝陽五彩文

題画竹

窻前已似含煙動壁上還如承露輕若問山陽林下  
色清風時自待人生

山莊栽松樹子

欲移松樹此徘徊八十山翁手自栽遲暮祗應憐楚  
楚何須長待棟梁材

謝青山山大有惠移喬松植之白賁墅

老學愚公艱壤開繁松忽此鬱蔚蔥蔥  
遠併青山

色助我能移喬木來

南郭先生文集四編

卷之三

書山房

南郭先生文集四編卷之三

